



# ԵՐԵՎԱՆԻ ՔԱՂԱՔԱՊԵՏ ՈՐՈՇՈՒՄ

ՀՀ, 0015, ք. Երևան, Արգիշտիի 1

№ 1824-Ա

« 20 » մայիսի 2024 թ.

## ՆԱՐ-ԴՈՍԻ ՓՈՂՈՑԻ Հ.26 ԲՆԱԿԵԼԻ ՏԱՆ ԳՈՐԾԱՌԱԿԱՆ, ԴՐԱ ԶԲԱՂԵՑՐԱԾ ՀՈՂԱՄԱՍԻ ԳՈՐԾԱՌՆԱԿԱՆ ՆՇԱՆԱԿՈՒԹՅՈՒՆՆԵՐԸ ՓՈԽԵԼՈՒ ՄԱՍԻՆ

Վարչական ակտի ընդունման համար հիմք է հանդիսացել Արթուր Եփրեմյանի /ա  
Լիլիաննա Եփրեմյանի դիմումը՝ Նար-Դոսի փողոցի, սեփականության իրավունքով Արթուր  
Եփրեմյանին պատկանող հ.26 բնակելի տան (անշարժ գույքի սեփականության  
(օգտագործման) իրավունքի գրանցման 29.10.1998թ. հ.077672 վկայական) գործառական և  
դրա զբաղեցրած հողամասի գործառնական նշանակությունները փոփոխելու մասին:

Նար-Դոսի փողոցի հ.26 բնակելի տան զբաղեցրած հողամասը՝ ՀՀ կառավարության  
15.12.2005թ. հ.2330-Ն որոշմամբ հաստատված Երևան քաղաքի գլխավոր հատակագծի  
համաձայն, բնակավայրերի նպատակային նշանակության (կատեգորիայի) խառը  
կառուցապատման գոտում է, որն իր մեջ ներառում է և բնակելի, և հասարակական  
կառուցապատում՝ ընհանուր օգտագործման տարածքների հավասարաչափ  
համադրությամբ:

Ղեկավարվելով «Երևան քաղաքում տեղական ինքնակառավարման մասին» օրենքի 49-  
րդ հոդվածով, «Վարչարարության հիմունքների և վարչական վարույթի մասին» օրենքի 3-  
րդ, 53-րդ, 59-րդ, և 60-րդ հոդվածներով, Հայաստանի Հանրապետության կառավարության  
2002 թվականի փետրվարի 2-ի հ.88 որոշման հ.1 հավելվածի 7-րդ կետով, հաշվի առնելով  
Երևանի քաղաքապետարանի աշխատակազմի ճարտարապետության և քաղաքաշինության  
վարչության 01.04.2024թ. հ.Դ-34969-24 եզրակացությունը.

1. Կենտրոն վարչական շրջանի, Նար-Դոսի փողոցի, սեփականության իրավունքով  
Արթուր Եփրեմյանին պատկանող հ.26 բնակելի տան գործառական նշանակությունը, առանց  
ճարտարապետահատակագծային առաջադրանքի և նախագծային փոփոխությունների,  
սահմանել որպես հասարակական և ընդգրկել ոչ բնակելի ֆոնդում՝ «ՀՀՇՆ 30-01-2014»  
պահանջներին չհակասելու պայմանով:

2. ՀՀ կառավարության 15.12.2005թ. հ.2330-Ն որոշմամբ հաստատված Երևան քաղաքի  
գլխավոր հատակագծի համաձայն՝ Նար-Դոսի փողոցի հ.26 բնակելի տան զբաղեցրած  
հողամասի նպատակային նշանակությունը /կատեգորիան/ սահմանել բնակավայրերի, իսկ  
գործառնական նշանակությունը /օգտագործման նպատակը/՝ ՀՀ կառավարության 2011

թվականի դեկտեմբերի 29-ի հ.1920-Ն որոշմամբ հաստատված կարգի 24-րդ կետի 3-րդ ենթակետի համաձայն՝ հասարակական կառուցապատման:

3. Հանձնարարել Երևան քաղաքի Կենտրոն վարչական շրջանի ղեկավարին՝ սույն որոշման 1-ին կետում նշված անշարժ գույքը հաշվառել որպես հասարակական:

4. Ընդունել ի գիտություն, որ սույն որոշմամբ սահմանված անշարժ գույքի գործառական և հողամասի գործառնական նշանակությունների փոփոխությունները ենթակա են պետական գրանցման՝ ՀՀ կադաստրի կոմիտեի համապատասխան ստորաբաժանումում:

5. Որոշումն ուժի մեջ է մտնում այն ստանալու հաջորդ օրը:

6. Սույն որոշումը կարող է վարչական կարգով բողոքարկվել Երևանի քաղաքապետին կամ դատական կարգով ՀՀ վարչական դատարան՝ դրա ուժի մեջ մտնելու օրվանից երկամսյա ժամկետում:

7. Որոշման կատարման կազմակերպումն ու պատասխանատվությունը դնել Երևանի քաղաքապետարանի աշխատակազմի անշարժ գույքի կառավարման, ճարտարապետության և քաղաքաշինության վարչությունների պետերի ու Կենտրոն վարչական շրջանի ղեկավարի վրա:

8. Սույն որոշման կատարման ընթացքի նկատմամբ հսկողությունն ապահովում է Երևանի քաղաքապետի առաջին տեղակալ Ա.Փամբուխյանը:

**ՏԻԳՐԱՆ ԱՎԻՆՅԱՆ**

